



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-632-4/24**

Datum: **22.04.2025. godine**

«Agencija za vodno područje rijeke Save» Sarajevo rješavajući po zahtjevu Javnog preduzeća «KOMUNALNO» d.o.o. Žepče za donošenje rješenja o vodnoj dozvoli za ispuštanje tehnoloških otpadnih voda u prirodni recipijent iz objekta postrojenja za pripremu pitke vode za potrebe snabdijevanja pitkom vodom potrošača na području općine Žepče, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Daje se vodna dozvola Javnom preduzeću «KOMUNALNO» d.o.o. Žepče za ispuštanje tehnoloških otpadnih voda u prirodni recipijent iz objekta Postrojenja za pripremu pitke vode (kapacitet 60 l/s) izgrađenog na lokalitetu Križ a za potrebe snabdijevanja pitkom vodom potrošača na području općine Žepče.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da korisnik predmetnog objekta isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 2.2. Da korisnik predmetnog objekta obezbijedi stalni i sistematski pregled vode od strane ovlaštene laboratorije, te poduzme sve potrebne mjere za osiguranje zdravstveno ispravne vode za piće. Kontrolu ispitivanja kvaliteta vode za potrebe snabdijevanja vodom za piće stanovništva mogu vršiti samo ovlaštene laboratorije u skladu sa članom 48. stav (3) Zakona o vodama («Službene novine Federacije BiH», broj 70/06).
 - 2.3. Da se zahvaćena voda prečišćava na postrojenju za pripremu pitke vode primjenom odabrane tehnologije koja će dati vodu za piće propisanu važećim Pravilnikom o zdravstvenoj ispravnosti vode za piće («Službeni glasnik BiH», broj 40/10, 43/10, 30/12 i 62/17).
 - 2.4. Da se, ukoliko se redovnim ili vanrednim analizama kvaliteta vode utvrdi da ova ne zadovoljava uslove vode za piće propisane Pravilnikom o zdravstvenoj ispravnosti vode za piće, vodovodni sistem isključi iz upotrebe, odnosno blagovremeno i na adekvatan način obavijeste krajnji potrošači da voda nije za piće.
 - 2.5. Da se vrši stalna dezinfekcija vode hlorisanjem kao i kontrola rezidualnog hlora u gradskoj mreži, a u skladu sa Pravilnikom o zdravstvenoj ispravnosti vode za piće.
 - 2.6. Da se uredno vodi dnevnik rada u koji će se unositi podaci o postupku hlorinacije i potrošnji svih hemikalija.
 - 2.7. Da se u skladištu hemikalija, dozir stanici ili na mjestima pretakanja hemikalija obezbijedi adekvatan apsorber za prikupljanje hemikalija u slučaju incidentnog izljevanja. U skladišnom prostoru i na mjestima pretakanja nije dozvoljeno postavljanje podnih slivnika.
 - 2.8. Da se vrši redovna kontrola uskladištenih hemikalija i obezbijede svi potrebni uslovi u cilju sprečavanja zagađenja površinskih i podzemnih voda uskladištenim materijama.
 - 2.9. Da se obezbijedi tehnička ispravnost ugrađene opreme na postrojenju kao i na objektima transportnog sistema (pumpe, zatvarači, vodomjeri ...).
 - 2.10. Da se tehnološke otpadne vode iz postrojenja za pripremu pitke vode nastale pranjem filtera, odmuljivanjem taložnika i sl. prikupljaju zasebnim kanizacionim sistemom i ispuštaju u bezimni potok.
 - 2.11. Da se poduzmu sve potrebne mjere kojima bi se obezbijedilo da prečišćene otpadne vode prije ispuštanja u recipijent – potok, ostanu u maksimalno dopuštenim granicama definisanim u Tabeli 1.1. Priloga 1. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).

- 2.12. Da se na ekološki prihvatljiv način riješi trajno zbrinjavanje mulja nastalog na postrojenju za pripremu pitke vode, pri čemu se zabranjuje njegovo odlaganje na vodno dobro, javno vodno dobro, obale i korito vodotoka.
- 2.13. Vlasnik odnosno korisnik predmetnog objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 2.14. Vlasnik odnosno korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik predmetnog objekta je obavezan voditi propisne evidencije, te nadležnim organima dostavljati propisane obrasce u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada za korištenje vode i ispuštanje otpadnih voda.
4. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
5. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekata je dužan uzroke štete otkloniti, a nastale štete nadoknaditi.
6. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
7. U ovoj upravnoj stvari plaćene su sve upravne takse.
8. Ova vodna dozvola, shodno članu 117. stav (1) i članu 129. Zakona o vodama se daje sa rokom važenja od 5 (pet) godina od dana pravosnažnosti ovog Rješenja.
9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
10. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Javno preduzeće «KOMUNALNO» d.o.o. Žepče podnijelo je Agenciji dana 16.12.2024. godine zahtjev za izdavanje vodne dozvole za ispuštanje tehnoloških otpadnih voda u prirodni recipijent iz objekta Postrojenja za pripremu pitke vode (kapacitet 60 l/s) izgrađenog na lokalitetu Križ a za potrebe snabdijevanja pitkom vodom potrošača na području općine Žepče.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Ovjerena kopija Rješenja o upisu subjekta upisa u sudski registar broj: 043-0-Reg-06-001114 izdatog dana 19.09.2006. godine od strane Općinskog suda u Zenici,
- Ovjerena kopija Rješenja o izmjenama podataka u sudski registar broj: 043-0-Reg-16-000358 izdatog dana 11.04.2016. godine od strane Općinskog suda u Zenici,
- Ovjerena kopija Uvjerjenja o poreznoj registraciji izdatog dana 25.10.2006. godine od strane Porezne uprave-Kantonalni ured Zenica,

- Kopija Rješenja o vodnoj dozvoli broj: UP-I/25-3-40-569-4/19 izdatog dana 19.12.2019. godine od strane «Agencije za vodno područje rijeke Save» Sarajevo,
- Kopija Rješenja o odobrenju gradnje broj: UP-I-Broj: 09-23-2-74/99 za Gradski vodovod - Obnova i nadogradnja vodoopskrbnog sistema grada Žepča i TS 10(20)/0,4 kV «VODOVOD» Žepče i priključka 20 kV Dalekovod za TS «VODOVOD» Žepče izdatog dana 05.10.1999. godine od strane Službe graditeljstva i prostornog uređenja Općine Žepče,
- Kopija Rješenja o namjenskoj upotrebi i korištenju objekta Gradskog vodovoda-Obnova i nadogradnja vodoopskrbnog sistema grada Žepča broj: UP-I-Broj: 09-23-2-68/2000 izdatog dana 31.07.2000. godine od strane Službe graditeljstva i prostornog uređenja Općine Žepče,
- Projekat «Rehabilitacija vodovodnog sistema Općine Žepče» urađen od strane «TYP SA» INGENIEROS CONSULTORES Y ARQUITECTOS-TECNICA Y PROYECTOS, S.A. KONSALTING INŽINJERI I ARHITEKTI Barselona-Španija, 1998. godine – na uvid,
- Kopija Izvještaja o monitoringu kvaliteta i kvantita otpadnih voda Postrojenja za pripremu pitke vode broj: 251/25 urađenog dana 19.02.2025. godine od strane «Inspekt RGH» d.o.o. Sarajevo,
- Kopije Izvještaja o mikrobiološkom ispitivanju vode za piće urađenih 27.11.2024. i 28.01.2025. godine od strane «Inspekt RGH» d.o.o. Sarajevo,
- Kopija Izvještaja o ispitivanju vode za piće (voda sa česme – Filter stanica Križ) broj: 138/25 urađenog dana 28.01.2025. godine od strane «Inspekt RGH» d.o.o. Sarajevo,
- Opći akt o održavanju, korištenju i osmatranju vodnog objekta, januar 2009. godine – na uvid,
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog Postrojenja za pripremu pitke vode na lokalitetu Križ, općina Žepče i tom prilikom je sačinjen zapisnik o izvršenom uviđaju broj: UP-1/21-3-40-632-3/24 od 15.04.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Za potrebe snabdijevanja vodom potrošača na području općine Žepče izgrađen je otvoreni vodozahvatni objekat – tirolski zahvat na Ravnoj rijeci (kapacitet 22 l/s) na koti 634,0 mn.m. i rijeci Ograjina (kapacitet 10 l/s) na koti 588,0 mn.m..

Zahvaćena voda sa oba vodozahvata se odvojenim gravitacionim cjevovodom dovodi do spojnog okna «Čekrk» odakle se voda gravitacionim cjevovodom $\varnothing$ 225 mm doprema na tretman u Postrojenje za pripremu pitke vode kapaciteta 60 l/s izgrađeno na lokalitetu Križ, općina Žepče.

Postupak prečišćavanja sirove vode odvija se kroz četiri faze: flokulacija, koagulacija u postupku brzog miješanja sa aluminijum sulfatom, taloženje u lamelnim taložnicima i filtriranje u brzim gravitacionim filterima sa ispunom od kvarcnog pijeska (potpuna automatska kontrola pogona). Na ulazu u postrojenje ugrađen je turbidimetar za mjerenje mutnoće vode.

Dezinfekcija vode se vrši doziranjem gasnog hlora putem mjerno regulacijske opreme i djelimično tečnim hlorom. Skladištenje hemikalija se vrši u adekvatnom skladišnom prostoru u krugu preduzeća.

Mjerenje zahvaćenih količina vode sa oba izvorišta se vrši preko ugrađenog elektro-magnetnog mjerača protoka smještenog u objektu postrojenja. Prečišćena voda se distribuira u rezervoar «Križ» kapaciteta 2x500 m³ a potom u rezervoar «Kamentovac» kapaciteta 200 m³. Kontrola kvaliteta pitke vode se vrši na izlazu iz oba rezervaoara.

Redovno se rade mikrobiološka i fizičko-hemijska analiza vode za piće od strane Instituta za zdravlje i sigurnost hrane Zenica.

Tehnološke otpadne vode nastale pranjem filtera se prikupljaju u spremniku smještenom u podrumu postrojenja a nakon taloženja, posebnim kanizacionim sistemom se ispuštaju u bezimenu potok u neposrednoj blizini postrojenja. Monitoring otpadnih voda se vrši redovno. Na uvid predložen izvještaj o monitoringu kvaliteta i kvantiteta otpadnih voda Postrojenja za pripremu pitke vode urađen od strane «Inspekt-RGH» d.o.o. Sarajevo, februar 2025. godine. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.

Sanitarno-fekalne vode koje nastaju u postrojenju se prikupljaju zasebnim sistemom kanalizacije i odvoje u septičku jamu bez preliva. Čišćenje iste je u nadležnosti JP «KOMUNALNO» d.o.o. Žepče.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva, JP «KOMUNALNO» d.o.o. Žepče su ovom vodnom dozvolom u tački 2. dispozitiva rješenja, propisani uslovi kojih se dužan pridržavati prilikom korištenja predmetnog postrojenja shodno odredbama člana 115. do člana 118. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka, konstatuje se da je podnosilac zahtjeva, Javno preduzeće «KOMUNALNO» d.o.o. Žepče, ispunio minimum uslova za izdavanje vodne dozvole za ispuštanje tehnoloških otpadnih voda u prirodni recipijent iz objekta Postrojenja za pripremu pitke vode izgrađenog na lokalitetu Križ a za potrebe snabdijevanja pitkom vodom potrošača na području općine Žepče te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog pogona utvrđene su obaveze u tački 4. dispozitiva ovog Rješenja.

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-632-2/24 od 21.02.2024. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje
vodnih akata


Nihad Pezo, dipl.inž.građ.

Dostaviti:

- JP «KOMUNALNO» d.o.o. Žepče
ul Željeznička br 3, 72230 Žepče
- ⊖ AVP, ISV – Vodna knjiga
- Sektor 50,
- Sektor 40, arhiva
- Oglasna ploča – AVP Sava